



Broj/Број: 01/6-50-1-8-15/09
Sarajevo/Сарајево, 17. 2. 2009. godine

Z A P I S N I K

15. sjednice Komisije za ostvarivanje ravnopravnosti spolova, održane 17. 2. 2009. godine

Sjednici Komisije za ostvarivanje ravnopravnosti spolova (u daljnjem tekstu: Komisija), održanoj 17. 2. 2009., s početkom u 13 sati, prisustvovali su: Vinko Zorić, Rifat Dolić, Jozo Križanović, Remzija Kadrić, Mirjana Malić i Savo Erić.

Odsustvovali su: Sead Jamakosmanović, Halid Genjac, te Jovan Todorović zbog bolesti.

Sjednici je prisustvovala i Samra Filipović-Hadžiabdić, direktorica Agencije za ravnopravnost spolova BiH.

Sjednici je prisustvovao i sekretar Komisije Davorin Semenik.

Za sjednicu je usvojen sljedeći

DNEVNI RED

1. Usvajanje Zapisnika 14. sjednice Komisije;
2. Imenovanje članova delegacije za posjetu Odboru jednakih mogućnosti Parlamenta Češke Republike;
3. Razmatranje Izvještaja o radu Agencije za ravnopravnost spolova BiH u 2008. godini;
4. Prezentacija Projekta „Fond za provođenje Gender akcionog plana – FIGAP“;
5. Ostala pitanja.

Ad. 1. Usvajanje Zapisnika 14. sjednice Komisije

Zapisnik 14. sjednice Komisije usvojen je jednoglasno, bez primjedbi.

Ad. 2. Imenovanje članova delegacije za posjetu Odboru jednakih mogućnosti Parlamenta Češke Republike

Članovi Komisije upoznati su da je, posredstvom Ambasade BiH u Češkoj Republici, stigao poziv za posjetu Odboru jednakih mogućnosti češkog parlamenta, s prijedlogom dva termina i to: 30. aprila ili 7. maja 2009.

Radi održavanja sjednice Predstavničkog doma, koje je planirano za 29. april 2009., Komisija je odlučila da prihvati termin posjete 7. maja 2009.

U delegaciji za posjetu Češkoj Republici imenovani su: Vinko Zorić, šef delegacije, Mirjana Malić, Remzija Kadrić i Davorin Semenik.

Ad. 3. Razmatranje Izvještaja o radu Agencije za ravnopravnost spolova BiH u 2008. godini

Pisani izvještaj o radu Agencije za ravnopravnost spolova BiH u 2008. dostavljen je ovoj komisiji, pa je direktorica ove agencije Samra Filipović-Hadžiabdić prezentirala najznačajnije aspekte iz Izvještaja, a posebno one koji se odnose na zakonodavnu aktivnost usklađivanja postojećih zakona sa Zakonom o ravnopravnosti spolova BiH, bilo da se radi o zakonima koji su već pripremljeni i dostavljeni Vijeću ministara BiH kako bi ono utvrdilo prijedlog ovih zakona i dostavilo ih u parlamentarnu proceduru usvajanja, kao što su četiri zakona iz oblasti medija (Zakon o Javnom RTV sistemu BiH, Zakon o javnom RTV servisu BiH, Zakon o slobodi pristupa informacijama u BiH i Zakon o komunikacijama BiH) ili se radi o donošenju novih zakona – Zakon o zabrani diskriminacije BiH.

Također su počele i pripreme na izmjeni – inoviranju Zakona o ravnopravnosti spolova BiH, te na izmjenama Izbornog zakona BiH.

Direktorica je podsjetila da u izradi svih ovih zakonskih projekata aktivno učestvuju i predstavnici ove komisije, a neke je i samo inicirala.

Istakla je i, kao jako značajan dokument, Strategiju za prevenciju i borbu protiv nasilja u porodici.

Savo Erić naglasio je da će se pogoršavanjem socio-ekonomskih prilika u BiH, uzrokovanih globalnom recesijom, pogoršati situacija i po pitanju nasilja u porodici, te maloljetničke delinkvencije i trgovine ljudima, te je potrebno naći odgovore na ove izazove.

Također je mišljenja da je potrebno uskladiti Izborni zakon BiH sa Zakonom o ravnopravnosti spolova BiH i to do kraja ove godine jer je naredna godina izborna.

Mirjana Malić saglasila se s neophodnošću izmjene Izbornog zakona BiH u pravcu ostvarivanja, a ne samo proklamiranja ravnopravne zastupljenosti spolova u zakonodavnim i izvršnim organima vlasti, o čemu postoji konsenzus u ovom komisiji. Naglasila je i potrebu gender jednakosti i njegovog značaja u obrazovnim programima, o čemu ćemo razgovarati i na javnoj raspravi koju će Komisija organizirati o toj temi u ovoj godini.

Potom je Komisija primila k znanju. Izvještaj o radu Agencije za ravnopravnost spolova BiH u 2008. godini.

Ad. 4. Prezentacija Projekta „Fond za provođenje Gender akcionog plana – FIGAP“

Direktorica Agencije za ravnopravnost spolova BiH upoznala je prisutne s ciljevima, mjerama i aktivnostima koje sadržava Projekt FIGAP.

Navela je da se radi o donatorskim sredstvima kojima bi se ovaj projekt realizirao, čime bi se pomoglo da se Gender akcioni plan VMBiH što potpunije provede, te da je usaglašavanje svih pojedinosti s donatorima pri kraju i uskoro se može očekivati potpisivanje ugovora i početak realizacije.

Komisija je i ovaj dokument primila k znanju, ističući podršku i njegov značaj za BiH.

Ad. 5. Ostala pitanja

a) obilježavanje Međunarodnog dana žena

U okviru ove tačke, sekretar je upoznao prisutne sa zahtjevom upućenim Zajedničkoj komisiji za administrativne poslove u vezi sa osiguranjem sredstava za obilježavanje Međunarodnog dana žena.

U raspravi o načinu obilježavanja 8. marta zaključeno je da, osim svečane sjednice Komisije koja bi trebalo da bude održana 6. marta, moguće je održavne pres- konferencije ili izdavanje saopćenja, posredstvom Sektora za odnose s javnošću, o čemu će biti odlučeno nakon rješavanja našeg zahtjeva za sredstva za ovu namjenu.

b) osnivanje radne grupe za pripremu zakona

Na osnovu zaključka sa 12. sjednice Komisije, ponovo je razmotreno pitanje osnivanja radne grupe za pripremu Zakona o izmjenama i dopunama Izbornog zakona BiH, pa je odlučeno da ova Komisija osnuje radnu grupu, te da u njen sastav, pored članova iz ove Komisije: Vinka Zorića, Mirjane Malić, Remzije Kadrića i Davorina Semenika, kako je to odlučeno na 14. sjednici Komisije, uđu i iz Agencije za ravnopravnost spolova BiH Samra Filipović-Hadžiabdić, te Branko Perić, Irena Hadžiabdić i Stjepan Mikić Iz Centralne izborne komisije BiH i Marko Raguž Iz Udruženja izbornih zvaničnika u BiH, kako je to i predloženo u konsultacijama sa navedenim institucijama.

Nakon što je dnevni red realiziran, sjednica je završena u 14,15 sati.

SEKRETAR KOMISIJE

Davorin Semenik

PREDSJEDAVAJUĆI KOMISIJE

Vinko Zorić